



序

自來負奇氣不遇於時復老且貧者其發爲文章往往荒誕憤懣不能爲和雅之音固然無足怪而亦存不得以此例者若唐之樊南是其一也吾友當湖黃君鶴樓早歲負盛名性磊落不羈善記誦博洽經史借他人書手抄忘倦談忠孝軼事目炯炯口若懸河遇浮薄士傲不爲禮有眞才亟相賞延譽無虛口意氣飛揚至老不衰其少壯時可想見也則負奇氣者莫如君乳臭子習帖括掇巍科去者不勝枚舉君負其才可縱橫一世乃十試於鄉不得售又素峭直好臧否人閩人辭章鮮所許可故所至輒齟齬鬱鬱居鄉里間可謂不遇於時矣

木雜書屋文三集

序

一

君所居平邑僻壤家無擔石儲性不喜干人復遭時不靖烽煙近逼室家爲憂今年將六十猶不免窮餓所謂老且貧者非耶以君之才之遇視樊南何如者而乃編星貫月憂玉鏘金本宏麗之辭發爲淵雅之響以繼軌前哲古今人豈必不相及哉文初集二集前已梓行今歲子橐筆海上適君亦來游謂有盛君雲泉乍之豪士也許任劄劄事復將刊其三集文者亟徵弁言爰書數語以質諸君并質諸當世之愛君嫉君者時道光癸卯春仲秀水孫灑次公氏拜序

與黃鶴樓書

寥寥舊雨知交曾有幾人落落晨星勝侶罕來三徑偶

於盈川之坐謂揚穉雲獲聞江夏之名寶印集中先覩佳構

曾於王徵君所梓岳停雲里畔幸奉清塵快挹喬暉更

甲集內讀君大文弄玉屑推襟送抱追芳躅於羊求瀉水懸河接譚鋒於

荀陸稔知閣下嘉禾名宿藝苑文豪詢其大名合廁翹

材之館呼來小字宜稱玉笛之仙養氣已逾十年功深

紀消木雞書屋君齋名也獻璞何止三別憤抱卞和杜正元穆譽

難隆李方叔瑰材未採卒使轉蓬蹤跡賓館棲遲壓綫

生涯嫁衣辛苦古今同慨命也如何何圖甫締新交旋

頽巨製欣喜欲絕愛翫難名如萋序之回春如婁人之

木雞書屋文三集

書

一

暴富並悉比年著撰多如束筍美比橫金是編祇捎雲

之半柯曜日之片羽然嘗鼎一臠卽知其味嗅蘂一朵

卽聞其香自當什襲藏諸奉爲軌範洵識同窺管癡甚

嗜痴寺術業之不殊歎學殖之將落空執鞭其有願將

追步以何從惟有手舐口沫往復雜誦而已至於文體

之妙已詳兩序不贅一辭珠玉旣懷瓊瑤乏報附具清

翫四種敬塵左右匪敢云酬伏惟莞納吳縣愚弟蔣如

洵謹啟

木雞書屋文三集目次

平湖黃金臺鶴樓

卷二

劉裕論

節愍太子論

周瑜論

駁湯來賀王彥章論

蕭望之論

卷三

司馬遷當從祀議

于廟當鑄徐有貞石亨鐵像議

木雞書屋文三集目次

陽球稱酷吏辨

韓离不為宋藝祖後身辨

卷四

周肖濂觀察叅國紀游序

南野堂詩集後序

宋小茗先生文集序

高益庵遺詩序

黃霽青太守詩娛室集後序

汪一江古梅溪館詩序

趙凌洲道人詩序

天寥和尚遺藁序

顧榕屏詩序

鍾穆園詩序

卷三

蔣翁生靜志齋詩集序

魯嬾仙詩文集序

方古然女史自怡詩草序

朱晚芳女史先得月樓遺詩序

柯小坡杏花春雨館詞稟序

張采言清溪竹枝詞序

柯春塘太上感應篇說穎序

木雞書屋文三集

琴臺賞雨詩序

目錄

鴛水聯吟序

茸城近課序

楊小鐵詩序

孫次公始有廬詩序

卷四

陳白牛先生塑像記

拙宜園記

月上樓記

梁武帝繙經簽記

明宣宗恭讓皇后賜印記

二

常開平王鐵衫記

柳如是遺鏡記

岳威信公寶刀記

驅妖記

游獅子林記

游細林山記

耆友論文圖記

卷五

翁貞女耐寒廬圖記

顧榕屏橫山草堂圖記

計二田溪陽展墓圖記

木雞書屋文三集

目錄

林雪巖東海酒徒圖記

張篠峯藕花香裏填詞圖記

徐童子灌花圖遺像記

扁舟訪友圖自記

投徐辛菴侍講書

寄海鹽張雲槎道士書

與吳江吳鑄生書

覆秀水于秋淫書

上朱小雲觀察書

致華亭雷蘊峯書

與盛雲泉論金石書

卷六

袁簡齋先生傳

顧蓮姑傳

書吳氏雙孝娥事

書小顛上人事

書羅軍門平逆猺趙金隴事

書陳軍門殉難事

書桃花事

卷七

風水說

博徒說

木籬書屋文三集

目次

煙草說

祭范大夫廟文

哭方子春文

祭許德水文

關壯繆畫像贊

岳忠武王玉印贊

卷八

書姚廣孝所譯貝葉經後

書張遠若侍御請毀魏忠賢墓疏後

書天水冰山錄後

杭州南雷二將軍廟碑

劉烈女并銘

國子監生盛君淑配邱孺人墓誌銘

黃譜桐女史花卉卷題詞

先大父芝巖公文稟跋

責賢檄

大雅書屋文集三集

目次

五

責賢檄

先大父芝巖公文稟跋

黃譜桐女史花卉卷題詞

國子監生盛君淑配邱孺人墓誌銘

劉烈女并銘

本雞書屋文三集卷一

平湖黃金臺鶴樓

劉裕論

嗚呼劉裕固命世之才惜其以細諫之天下強爲禪讓
之天下也當日着江山不復從教半壁撐持家室僅存
久被纖兒撞壞獨裕不階尺土特起布衣一奮義師三
擒僞主龍文五色天意攸歸虎步一時人心欣戴於此
而膺帝位擁皇圖代晉而興豈不光明俊偉哉奈何外
示忠勤中懷兇狡始則挾君以自重終則篡主而稱尊
棄漢祖之宏規踵曹瞞之故智陋矣特是以正得國者
其後必長以詐開基者其祚必促終也但思讓位罔顧
本雞書屋文三集

卷一

一

貽謀乃未幾而麻拂葛鎗漸忘先業衲衣鋤器輕笑田
翁鵬鳴屋而亂生螢入箱而變作君主多諱謂白汝門
臣子紛爭誰黃其閭戲馬之高臺安在屠豬之別院堪
憐刑或至於剖心像不免於斃鼻回想射蛇壯績何等
英雄那知偷狗後人如斯狂悖觀於家國之傾頽不得
不歸咎於本根之淺薄矣然此固無足深論吾尤憾其
力能一統而不早爲計也方其屠廣固破潼關赤旗指
而妖壘洞開黃鉞揮而克徒粉潰不乘此振興熊虎掃
滅犬羊而乃倉猝旋師從容養寇遂使佛狸坐大虜馬
頻來白面書生了無經略蒼頭老將徒有憂危縱敵一
朝貽憂十世漫藉蘇兄神力難當淮北之雄軍空餘蔣

帝威靈莫挽河南之失地蕭蕭蘆荻白搖江岸秋光片
片臙脂紅作戰場春色揆厥所由豈非裕之急圖內禪
無暇外謀有以致此哉且夫魏之改社也山陽猶得考
終晉之移祚也陳留依然無恙而裕則竊據九重連除
二主自以爲殘芽盡翦死灰不然子孫帝王萬世之業
也會不踰時而彥回負黃襪之託敬則持白帽而來蒼
梧被戕何殊安帝汝陰蒙害又似零陵齊臺建號之年
悉遵司馬家兒之例彼道成者并無事征誅而亦妄稱
禪讓矣吁可慨也夫

木雞書屋文三集

卷一



節愍太子論

節愍太子之起兵誅武三思也其氣奮發而激昂其事光明而俊偉可謂雪國恥快人心矣而迂儒猶責其稱戈向闕以叛目之寃哉當其時政由妖后詔出豔妃公主開九折之淵侍臣獻八風之舞而三思以狡詐之姿逞荒淫之性點籌宮內懸榜橋頭賀徽登牀徐姬之穢聲日著士開握槊胡后之醜迹太彰中宗全無心肝矣壯哉太子奮不顧身斬關討逆叩閤索奸臥榻除寤寐之人中冓洗可詳之事豈石宣之造亂欲害官家異劉劭之逞克竊窺神器不然使太子稍緩須臾將蠅營不息蝎譖可危非晉適之蒙誅卽孫和之坐廢且夫孝敬

木雞書屋文三集

卷一

三

遇馘於前章懷自殺於後此皆武后所親生者猶且含寃莫訴飲恨難伸況節愍非韋氏所出而能始終保全乎吾意中宗於此縱不旌其討賊之功亦宜赦其矯制之罪而乃殲其羽翼梟厥頭顱甘容哲婦造謀翻爲狡童報怨何倒行至此哉然賴有是舉稍足戢牝雞之勢禡羣狗之魂五王若遇應媿不如三祖有靈堪舒積忿諺云龍子作事固自不凡節愍其庶幾焉以予論之唐之節愍與漢之戾園雖其迹略同而其心較苦蓋巫蠱構變禍止一身而帷薄貽羞事關萬古乃一則追懷儲副臺號歸來一則痛惜奸雄極偏設祭卽此益見中宗之下愚不移矣厥後惠妃擅權子瑛被害良娣巧譖廣

平幾危女禍無窮後先一轍君子讀史至此而竊歎節
愍之尚有餘憾也

木雞書屋文三集

卷一

四

周瑜論

嗚呼時至三國一人才彙萃之際也乃者陳宮高順不
取信於溫侯沮授田豐反見疑於袁氏抱才不遇良堪
浩歎他若荀彧誠傑出之英賈詡亦非常之士郭嘉善
斷預陳十勝之機程昱工謀獲保三城之要然而所事
非人徒漫用其才耳求其英雄蓋世識量超羣著奇績
於一時垂榮名於千古者則非瑜不足當之也夫以瑜
穎敏夙成遭逢不世值風雲之際會展雷雨之經綸大
帝君臣原同骨肉小喬夫婿自覺風流展旗幟則韓信
英年脫兜鍪則陳平冠玉蓋自大吳新造以來走劉繇
破薛禮尋陽戰捷獲部曲三萬人沙羨功多奪船艘六
木雜書屋文三集

卷一

五

千具周郎之名早徧大江南北矣而其最快人意者則
莫若烏林之役當夫百萬曹兵蜂旋螳壅二三吳將鹿
駭魚驚文表志在迎降張公計將乞食幸瑜力祛羣議
自將精兵南岸營高東風勢猛龍幡直指虎旅長驅四
壁蒼茫壞雲昏黑千軍踴躍列炬通紅半夜擊將軍之
鼓烏鵲驚飛三更拔丞相之旗鯨鯢大戮從此東方坐
大南面稱孤底定三江撫臨六郡斯則其功之最鉅者
也尤難者其時草創初成規模尙簡朝廷之尊卑未定
賓客之去就無常獨瑜義辨堂廉禮明天澤入爲心膂
出作爪牙忠若祭遵惟知憂國謙如馮異絕不言勞其
立勳也如彼其執節也如此又豈游說之蔣幹可得動

搖作書之元瑜所能離間也哉而吾獨惜瑜之早死也
儻得天假之年將見挾荆揚之旅搗宛雒之墟金戈鐵
馬直徧燕齊紫蓋黃旗徑趨河渭操雖猾虜未可敵也
彼先主亦奔竄不遑決不能規圖蜀郡經略漢中矣自
瑜歿而權乃俯首稱臣甘心入貢隳獯兒之雄略貽亂
子之醜聲遂使豺虎逞兇魏氏則黃初僭號蛟龍得志
劉家亦白帝開基局竟定夫三分勢難歸於一統然則
瑜之存亡其所係豈淺鮮哉乃世之無識者誤信生瑜
生亮之說以爲瑜才出孔明下而不知孔明所長者瑜
無一弗如也孔明用關張而瑜亦能指揮韓蔣孔明制
楊魏而瑜亦能駕馭甘凌孔明容法正而瑜亦不以程
木雞書屋文三集

卷一

六

普爲嫌孔明識姜維而瑜亦早以魯肅上薦至於決機
制勝通變達權則瑜實非孔明所及嗚呼孔明且難以
及瑜而又何論夫餘人

駁湯來賀王彥章論

嗚呼區宇分崩鳥難擇木英雄激烈豹獨留皮自開平以訖顯德終始五十三年如彥章者可多得哉而湯氏以爲彥章可謂猛將不可謂忠臣可謂傷勇不可謂死節斯言也非特灰豪傑之心殊失善善惡惡之旨矣君子豈忍出此方梁晉之苦戰也始則康懷英敗於夾寨繼則王景仁潰於柏鄉劉鄩善謀而元城債績賀瓌持重而胡柳棄師楊劉之四寨無存德勝之兩城難取惟彥章孤提一軍責限三日舉笏畫地揮戈叱天二十里警報捷來浮橋悉斷六百人軍鋒銳甚連鎖齊摧幾幾乎響應山東勢恢河北矣無何朝惑青蠅陣亡白馬中木雞書屋文三集

卷一

七

都不復飛虎將已失威權大節自期鬪雞兒豈能招誘其從容以就死不可謂非殺身成仁者也乃湯氏以爲彥章者非忠於君乃忠於賊耳非爲共主死乃爲賊黨死耳然吾觀田崧盡心於劉曜身殞金城董遵致力於姚泓血膏新蔡徐嵩赴難願爲苻氏之臣蘇霸臨危甘作涼家之鬼之數人者誰非親事僞朝卒成義士無他孝子不以父之頑而視如行路烈婦不以夫之惡而別許他人忠臣亦若是矣乃湯氏又以爲彥章能與晉王合謀討梁庶幾識順逆而辨是非者不知毛璋脫走河上効功閩寶出亡山前獻策彼皆反讐乎故國要豈見重於新朝又況康延孝纔賜錦衣卒教伏法朱友謙昨

頽鐵券仍復蒙冤徒作二臣究無一是則何如見危授
命之爲得哉嗟乎繁臺玉冊盡化煙雲古寺鐵槍尙懸
日月那知馮道自敘五朝將相之榮幸遇歐陽特伸千
古綱常之詣若如湯氏之言惡梁而并惡彥章則是彥
章之慷慨而死與李振趙巖等之諂諛而死同貽笑於
後世焉甚矣邪說之害人也

木雞書屋文三集

卷一

八

蕭望之論

漢宣帝時四夷賓服九寓乂安將相公卿俱極一時之選而望之亦名噪龍廷形圖麟閣其後爲宏恭石顯所讒傷於非命君子惜之然余以爲望之無足惜也夫子桑舉善祁奚薦讐古大臣之用心如此其至也乃觀望之則大不然以趙廣漢之廉察而擬以極刑以韓延壽之勤勞而中以危法無他彼皆才出望之上上恐其偏已故耳他若丙吉作相則輕之張敞爲傅則過之耿壽昌奏設常平試其良法馮奉世威行絕域阻厥榮封凡若此者莫非外以飾其公忠內以濟其伎刻抑何褊淺之甚也況其歷官行政本無卓卓可紀者守平原而自木雜書屋文三集

卷一

九

嫌遠出試馮翊而復恨左遷有患得患失之情無進思退思之義旣而爲太子太傅矣拜前將軍而受遺輔政矣元帝之涼薄寡恩諒亦知之奈何居危不思頻將虎鬚旣退復來重添蛇足獨不見孔霸識機力辭相位疏廣知足歸老故鄉同爲元帝之師而彼則早作鴻冥此則甘罹鳩毒何足惜哉何足惜哉且望之固所稱經術通明者也其在書曰休休有容其在詩曰慘慘畏咎望之所爲果有合於經術否耶若夫絕烏孫之婚拯匈奴之患斯二者出於望之之謀亦不無可取云

寇準論

古之所謂大臣者有蓋世之才尤必有高世之節有絕人之智尤必有觀人之明然後可以當社稷臣而無愧而惜乎寇準之未足與語此也世之論者多以澶淵之役爲準奇功不知宋之於遼憂悔不少矣前此一敗於岐溝關再辱於君子館茲者領師入寇御蹕親臨準卽不能使匈奴臣漢突厥降唐固宜力勸眞宗遣驍將石保吉楊延釗輩提兵要擊分路窮追鞭投拒馬之河帳捲飛狐之嶺收契苾四百三之部落耀朔方十八萬之軍容取威雪恥正在斯時不得以帝方厭兵而遽罷也而乃城下定盟歲終輸幣黃旗一角空呼萬歲之聲赤

木雞書屋文三集

卷一

十

甲千屯枉示六軍之勢雖曰息事安民然前朝十六州之故地未獲取回後日七百里之提封又遭割棄豈非一日縱敵數世之患哉以此爲功淺矣旣而天子東封岱嶽西祀汾陰像鑄玉皇牌頒金寶旱蝗水蛭漫視奇災野鹿山鵬並爲美瑞時則錢易進殊祥之錄夏竦多神怪之談李溥獻三山環海之形欽若呈萬靈朝眞之像彼小人者又何責焉準固素稱敢言者當如桓譚之非圖讖蕭傲之諫禱祠乃不謂乾祐之書未能之詐卽準所成也逢迎時局陷主上於不經粉飾太平負相公之重望夫豈王旦之美珠亦曾分賜孫奭之奏牘偏不與聞耶不然何熟中至是也至若丁謂巨蠹也王模穢

跡陳羣預識其奸楊竺沽名陸遜早言其惡斯可謂知
人則哲者乃準之於謂始則過作褒揚引狼自近繼則
加以惡謔逐雀無謀羹污鬢而易除釘入眼而難拔卒
之毒中蠱尾禍發獠心張道濟見嫉宇文致圍第宅李
贊皇結讐僧孺竟竄遐荒旣輸李沆之先知又乏王曾
之巧計語云機不密則失身殆準之謂矣雖然準亦未
可輕也當太宗末命已著賢勞迨真廟中年倍昭勳業
邊陲鎖鑰敵震其名野渡橫舟民懷其惠讀霍光傳漸
知不學之非得魏徵風自具致君之術五鬼之游魂久
熄千秋之烈氣常垂荆南之竹斑斑恍凝蠟淚巴東之
亭矗矗可當樓臺如準者欲不謂之良相得乎要之準
木雞書屋文三集

卷一

七

論之

司馬遷當從祀議

嘗攷孔庭從祀七十二弟子外後賢又幾及百人而司馬子長獨未與此數不可謂非闕典也夫以我孔子祥應水精教宜木鐸道得不墜於地文乃未喪於天獨是戰國以來諸子百家以儒爲戲莫不侮聖人之言矣雖學似荀卿而孔子與子弓並舉才如賈誼而孔子與墨翟同稱數百年間迄無定論卓哉龍門神識非常表章極力讀書而殊深企仰適廟而無限低徊且其時黃老盛行申韓錯出而彼獨能折衷闕里扶翼尼山遂使素王之德懸日月而不刊至聖之名並山河而俱壽此則世家一篇推崇之效也其功豈少也哉乃或者謂其曾

本雜書屋文三集

卷一

七

陷典刑有慙明哲不知仲由致身於衛愈見其賢幸我被難於齊無傷其行若以蠶室之餘屏諸鯉庭之外爲此說者其亦不仁甚矣況其矻矻著書殷殷衛道紹先民之絕業開後學之修塗較之邱明殆相伯仲安見盲左可以酬功而腐遷不當食報乎宜增粟主分兩廡之明禋允配杏壇補千秋之缺憾謹議

本雜書屋文三集卷一

本雜書屋文三集卷一

本雜書屋文三集卷一

于廟當鑄徐有貞石亨鐵像議

鄂王墓下鐵摹姦檜之形睢陽祠前鐵鑄賀蘭之像蓋以誅克邪於旣往示鑿戒於將來也乃吾讀明史而見徐有貞石亨奪門一事彼豈能如陸麗劉尼抱文成而討逆張浚呂浩擁康王而復興乎不過博取好官希圖厚秩以上皇爲孤注耳而乃敬宗得志枉害長孫祖珽工讒寃誣斛律于公之死二人實力陷之獄成兩字已無及於噬臍罪著千秋殆不勝於擢髮苟非紅爐鑄狀烏金揭名其何以慰忠魂褫姦魄哉當夫土木之難作也六師陷敵萬乘蒙塵斯時有貞石亨一則妄占乾象先教妻子還南一則請避寇鋒未見師徒逐北賴有于

木雞書屋文三集

卷一

三

公竭其股肱敷乃心腹姚崇之要言有十李綱之預備惟三亞夫揮三十六將軍獨操節制吉甫除千四百冗吏孰敢依違居則存蹇蹇之忠出則履堂堂之陣百官進退祇聽霍侯萬姓安危羣瞻郭令未嘗五求回鶻四諭堅昆而貨匪居秦璧還入趙氣陵項籍敢云烹我太公威懾苻堅謹送家兄皇帝英廟之得生入玉門實公一人之力也設以徐石輩當其責任不知若何潰裂矣況邸王御極之初舉有貞爲侍御命石亨總軍營以使詐使貪之方收羣策羣力之效公之於二人不可謂無情焉奈何雀不報恩狼思反噬遂乃勒兵四鼓竊鑰九門妖興鄭國之蛇暮動齊侯之鼠貪天有幸忽生馬角

於崇朝舉事無名反賜魚腸於碩輔而徐石輩方自以爲平勃協謀能誅呂產張袁合計得斬昌宗竟蒙狐趙之勳並受蕭曹之賞豈知貂冠纒戴未半載而南徼從軍虎子剛封不閱時而西曹斃命碧雞空訪黃犬與悲真天道之好還覺人心之稍快然則甯喜之就刑與叔申之被戮其相去果何如也嗚呼楊震歿而大鳥來傅縶亡而毒蛇現方忠肅之受害也愁雲滿天冤雪入地四方感歎忍忘鸚鵡之謠九宇呼號共惜鷺鷥之詠今者西湖古廟日月常新南山高峯煙霞互繞在公亦無所恨惟是徐石也者蠅營蝸譖雖已獲罪於生前狗黨狐羣尙未誅姦於死後所望陶鎔螭魅刻畫鯨鯢容萬木雞書屋文三集

卷一

四

衆之捶笞任百代之唾罵庶幾驚神泣鬼可酬凌煙閣之元勳盡態窮形足愧偃月堂之巨憚謹議

西晉古風日月常新南山高峯煙霞互繞在公亦無所恨惟是徐石也者蠅營蝸譖雖已獲罪於生前狗黨狐羣尙未誅姦於死後所望陶鎔螭魅刻畫鯨鯢容萬木雞書屋文三集

陽球稱酷吏辨

今夫天心有舒慘秋肅無害於春溫吏治有寬嚴義正不殊於仁育違乎情則兵原非福合乎道則刑亦稱祥吾觀司隸陽球收考逆閹磔屍屠膀其有功於漢室大矣安得謂其酷哉夫漢至靈帝此乾坤何等時也維化寺中蛇盤殿上三獨坐但知阿媚十常侍大弄威權蕃武已亡誰能討惡膺滂並死無復誅克而球獨撫髀咨嗟奮髯激發烹狐羣於鼎鑊殛鼠輩於刀砮較諸韓演劾左棺之姦黃浮案徐宣之罪滕延捕段珪之黨張儉破侯覽之家殆有過之無不及焉所恨者王甫雖誅曹節尙在不旋踵而球亦被禍痛鳴鴉之毀室未盡伏辜木雞書屋文三集

卷一

五

驅虎豹以當關依然得志然則論世者固宜表其節概雪其冤誣而乃附之於酷吏之末不大謬乎且所謂酷吏者任情刻削肆意剝屠如羊祜以天狗得名王愷以皂鷗著號韋焜則虐同虺蝮吳淵則毒比蜈蚣此固仁人君子所惻然心傷者若球之志除蜂蠆力掃豺狼於以伸國威於以快公憤是乃良吏非酷吏也嗚呼以球爲酷宜乎張湯杜周反不入酷吏之傳矣作史者旣漫無定評讀史者將何所取信哉

幹离不爲宋藝祖後身辨

世傳幹离不貌類藝祖遂以爲藝祖後身蓋因藝祖授天下於太宗而太宗負之實甚故藝祖假手於金以報之也嗚呼爲此說者殆小人之無忌憚者矣夫自古豁達大度之主如藝祖者豈易得哉觀其奉命慈闈不私神器免鶴鴿之永歎愛龍虎之非常較周武帝之斬立齊王迥相懸絕比吳桓王之親傳大帝更覺光明乃太宗坐昧天良橫貪大位世文無恙事變李雄樂陵尙存忘同高演陛下豈容再誤媚主偏工癡兒何至若斯抱屍已晚揆厥恒情似藝祖宜抱憾於太宗焉然藝祖固所稱豁達大度者旣能讓之於生前安必不容之於沒木雞書屋文三集

卷一

七

後乎且余以爲藝祖之心其視太宗之子孫猶己之子孫也歷年二百玉燭常調傳世九君金甌永固亡何狐升御榻國步多艱鶻起燕山敵鋒甚銳旣而三鎮盡割兩河並亡月冷青城六宮大去風寒黑水二帝不歸難招雁足以傳書空望龍鬢而設奠由此言之幹离不者藝祖之仇也吾知藝祖有靈必將奮苻主之鬼兵思殲巨寇驅唐宗之石馬力遏妖氛庶足釋南渡之悲消北盟之痛焉若如或言藝祖假手於金以報私怨是以藝祖滅藝祖也有是理哉且夫後身之說之不足信也久矣張衡爲伯喈前生劉沆係僧孺再世郭祥正降胎之際或夢謫仙范淳甫墮地之時自稱鄧禹凡諸名士似

有夙根然不免語涉荒唐歸誕妄而況藝祖之於幹
離不哉苟以貌類爲據則樞密王德用者亦貌類藝祖
豈亦藝祖後身乎吾故曰爲此說者乃小人之無忌憚
者也

木雞書屋文三集

卷一

七



詩出

豈亦藝祖後身乎吾故曰爲此說者乃小人之無忌憚
者也

木雞書屋文三集卷二

周肖濂觀察竺國紀游序

天土文昌本兼樞府人間才子每入軍營故薛弼之從

岳侯韓愈之佐裴相靡不垂其偉績著厥賢勞而況萬

里奔馳三年跋涉金風鐵雨歷中華以外之天雪嶺星

河到古佛長生之地如金山周肖濂觀察者乎乾隆辛

亥廓爾喀侵擾西藏時仁和孫文靖公督理軍務觀察

在其幕中元康則七紙立成齡石則百函並發陳湯有

屈指之計馬謖進攻心之言而且曉著征鞭宵眠警枕

間關鳥道出入蠶叢狂呼鷹飛清嘯鶻落聽鳴笳而自

木雞書屋文三集

卷二

壯歌折柳而彌豪銀河洗兵甲之光銅柱勒丹青之宇

軍符稍暇成竺國紀游四卷豈非書生之勝槩藝苑之

奇觀哉爾其毒霧漫空瘴煙殷壑海濱鬼物頻作波濤

山頂神靈憤興雨雹烈礮四出雲光亦紅積陰歷時雪

色俱綠阿耨池百泉交匯窟籠峰萬劔相摩馬嶺天深

苔濃數尺魚通地動石碎十街籠場狗場市人竝集雀

口象口商客能來月墮化猪之宮花殘別蚌之寺佛像

挂九層樓上梵聲來百喇殿中漢將軍造箭之區尙餘

鑪韞唐公主駐帷之地猶贖碑文其故蹟之可紀有如

是者況復牛善踏冰羊知馱米鴨如鴉大雨翅淡黃犬

等驢高雙睛深赤日未落而鴉語風欲醒而熊狂巨蟒

懸皮血痕漉漉雄雞生卯花點斑斑黑鷓攫雲黃狐拜
月石開兔竄沙起鹿奔魚見火而上池塘獺冒煙而出
土穴他若伊蘭香遠長棗味甘紅花滿觚易金一鎰青
稞咸醞釀酒百瓶家藏龍目之珠篋置獅頭之罽手持
白絹耳綴綠松其物產之可紀有如是者若夫黑帳羣
居朱鞞便走屋頂用三和之土壇前披五色之衣刑法
四十二條字母三十六數案無筆硯孩童亦上學堂室
有茶酥稗女徧明市價木盃盛食生噉豬羊金刀剉屍
沒飽鷹鵠旗懸嗎密杵弄降魔腊羊脂以代鐙取雞骨
而占卦短弓短箭逞獵荒郊小鉢小鑼亂敲僧寺浴水
則口含獅乳拜香則體著牛皮其風俗之可紀有如是

木雞書屋文三集

卷二

二

者且夫衛藏之地唐宋以來叛服不常久矣我國家
黃圖遠廓紫甸遐周惟西陲一旅蝟毒頻吹鳴張妄肆
是役也高宗命福大將軍往征介子樓蘭斬頭酒後
班超鄧善捕使中宵百道飛行三軍奮躍刀光耀日人
聲隔雲鬪虎豹萬壑之中戰魚龍一橋之下於是封狼
斂角伏鼈銷芒戍夜星烽早滅蓬婆之塞庚郵露布旋
收的博之城九伐之威旣伸兩階之舞重觀果八戰而
八克亦三絕而三通斯則廟算之神明元戎之勇決
尤宜載筆而書之焉觀察鸞輪徧歷電策長征每當萬
葉堆門一鐙閃壁囊弛驢背劒解馬頭晝看鯨鯢之屠
夜聞羶醜之泣盡橫蟠於胸臆將騰快於齒牙遂乃紙

寫羊皮墨磨龍盾狀雁海猴林之險境雲氣純青話蛇
山狼窟之戰場秋容慘白異博望之鑿空補伯翳所未
知道光己丑旣辭腰折始付手雕乃張掾鱸魚甫酬夙
願而賈生鵬鳥遽見妖徵故此編流傳者甚罕楓溪謝
石雲明府搜其殘本刊就完書從此價重三都家珍一
帙詩章間列如誦高岑邊塞之篇紀載臚詳恍披班范
外夷之傳

木雞書屋文三集

卷二

三

南野堂詩集後序

文章一道能作者未必能傳騷雅千秋相近者自然相契以故孫晟服膺乎賈島朱晝低首於孟郊張耒吟詩酷摹白傅葛密得句每做義山余於吳澹川先生南野堂集不禁中心好之者殆猶此也先生幼挺英姿覃心映雪壯懷幹略雅志乘風通名法十七家是文史五千卷騎來青鳳天邊謫下酒星師事白猿海上飛行劍客善陳琳之草檄作阮瑀之從軍小范經綸獨饒兵甲大蘇文采不負江山此先生之詩所以能籠罩百家發皇萬態也與方其停膠渭北寄跡終南雁拖蓮頂之霜馬踏桃林之雪空山獨走雲迷太華三峰古塞高歌日落

本雞書屋文三集

卷二

四

潼關四扇帝王墳在賸有蟲聲田竇宅荒僅餘狐跡他若花觀杜曲柳折灞橋靡不觸撥吟懷激昂才思旣而遠游閩嶠直抵臺灣蛟欲逼船鬻將吹沫茫茫黑水一鳥不飛渺渺紅番萬魚竝立門開鹿耳忽聞鯨賊跳梁劍挂雞籠正直龍驤飛渡駢長刀以掃穴轟大礮而開山酒後談兵聲驚霹靂鏗前草奏氣薄雲霄斯時也九覺抗節沈雄吐音豪盍矣無何脫身海國作客武昌臺呼天野之鷹樓借仙人之鶴漢陽楓樹紅隔一江鄂渚荻花白沿兩岸則又荆巫狗駭楚鬼狐鳴霧滿三湘風寒七澤一軍篳篥往來大將營門寸丈旌旗出入尚

幕府火牛之謀不用狡兔之窟遲殲

兩湖亂時先生從大攻土兵者不從

盾鼻空磨唏噓欲絕刀頭罷唱感慨彌增爾乃跡倦賓
鴻心閒老驥吳鉤醉解越棹輕歸功名等春夢之婆蕭
散得秋聲之館寒鴉古木淨掃紛華仙犬落花別生興
趣窗憑蠅打梁任燕租簾捲呼鷹戶開送鴨朋來說笛
夕陽在牆客去收棋孤月窺牖每聞漁唱便抱溪情偶
得僧書如披雲氣無限輒紅塵跡不到鷗邊自憐垂白
年華惟同蝶夢心神俱暢歌咏逾清而先生之詩又從
此一變已嗚呼先生才本人龍學工繡虎固宜鵬飛遠
路豹變崇朝奈何白髮蕭條螭頭難上青衫潦倒魚額
空歸客有薦雄文謂同司馬生乃與噲伍竟屈淮陰烽
火餘生幾經涕淚英雄末路祇藉文章然而運厄方千
木雞書屋文三集

卷二

五

名高羅隱君虞篇什九州傳作畫圖昌谷詞章四海播
諸弦管眞千人之皆見亦百世而可知余生也晚不獲
親炙先生矣冢上王郎清談莫接夢中李白仙魄難尋
幸得讀先生之詩但覺珠光玉采霞蔚雲蒸長鯨跋浪
而來天馬騰空而去窺唐宋之大手歷齊梁之小兒才
雄而束以範圍氣盛而歸於縝密近今以來斯詣絕少
爰抒管見竊附卷端非敢謂絲繡平原金鎔少伯也先
生名文溥嘉興人以明經終

昔仁和宋助教茗香先生以紅杏尙書之裔擅青蓮學士之才訪日月於赤城口吞奇氣踏煙雲於黃海腹孕靈機故其所著學古集一編類皆出語嶽崎寄懷超妙句可呈佛心時雜仙前輩風流於斯爲最今小茗先生助教公之哲嗣也歆能繼向固不媿彪縹緗則聚似李侯鈔撮則勤逾荀勗范升駮史遷回十五事衛冀難左氏六十三條以迄識服匿於單于辨威於於新莽秦碑善讀蜀鏡能詳靡不淹貫古今該通本末若夫詞章之富筆墨之精則又醜釀儒先淵源家學詣微諸實神妙於虛風雷藏徑寸之胸星斗落毫芒之手言皆有物關木雞書屋文三集

卷二

六

千古之綱常藻不妄好驗百年之掌故真情婉摯大氣盤旋米出三春著經五浴詩集早已行世今將校刊文集命金臺爲序臺因先生之文而竊感先生之遇矣夫以先生根柢槃深華實布濩豈難登蓬苑入木天袖攜雉尾之霞冠聳鼇頭之日而乃龍鱗久困鵬翅頻摧揚雄之五臟空流蘇軾之一頭遲放金鍼壓綫虛過半生鐵樹開花僅邀一第痛數奇於李廣嗟官冷於鄭處從野鷗游觀孤蝶舞梧桐鄉外坐明月以一牀芙蓉浦前泛斜陽於雙槩簷頭鼠日半擁高軒鳳骨鸞姿偏居薄宦我以知先生悲也然猶謂伏如老驥早虛千里之思閒似流鶯可穩一枝之惜雖味同雞肋亦累少豬肝奈

何市虎言繁盃蛇影誤桐危入爨蘭刈當門落落儒官
自署冰條之一區區微秩亦褫鞶帶之三竟失楚弓誰
還趙壁雨爭鷓蚌總屬無端風及馬牛料應有數我以
知先生益悲也今年先生六十有八矣丟日堂堂流光
冉冉溯一生之心事空負黑頭念同輩之英雄無非白
髮悲歌慷慨稀逢叔牙覽躑躅有類鑿齒羶將生蝨
釜欲游魚因旅寓乎由拳求童蒙而餽口頻傷老境惟
餘瘦鶴之姿何意佳兒又抱童烏之慘夷甫之愁懷莫
釋香山之隱恨難平我以知先生悲無已時也然而嗇
於命者豐於才也厄於今者傳於後也劍非萬灌未必
稱神丹藉九還斯能見寶而況山水之盟可恃詩書之
木雞書屋文三集

卷二

七

福終清向朗高年依然好學胡昭晚歲猶自校文落霞
冥天外之鴻隱霧遯山中之豹眼空蟬蛻詎知顯晦於
雲泥胸有龍納肯受炎涼於冰炭果從蜻而自樂縱失
馬其何憂獨是金臺學昧蹲鴟文同疥賂少時曾讀助
教公集今又得先生之文而序之道尊先進心契後彫
願旣遂於登龍名復欣於附驥翰墨有緣何其幸與抑
更有一言爲先生慰者先生非特高才尤多風義彥方
厚德大感人心子約陰功獨鳴已耳他日者松齡永茂
蔗境漸佳賦小游仙擬大作祀天之報施要自有在願
先生其勿悲矣乎

嗚呼不可知者命也有可信者才也是故蘭焚而香益烈桐爨而音彌長慧性難磨神明可接雖文康埋玉已歷歲時而安石碎金常存精采如我亡友高君益庵者非其人與益庵氣凌一世神厲九霄迨袁叅之大材逞孫寧之精騎傲如賀鑄自誇驅使李溫誕若審言直欲衙官屈宋加以劉伶貌醜張載形奇其疏縱也如彼其寢陋也如此以常情度之得毋招魏收驚蝶之譏陸贄生犀之謗乎然而詞華煥發崔鑣不礙輕狂才力恢張王粲何妨偃蹇是則名標麟角望重龍頭夫豈虛哉余與益庵契結青雲誓要白水香山則愛交元九摩詰則木雞書屋文三集

卷二

時憶丁三每當綠楊雨酣黃菊風老鷓開北海燭翦西窗舞長槩以自豪敲唾壺而欲缺雄姿蹀躞奔蹄突過驂驅妙語詼諧慧舌奚輸鸚鵡三更醉後猶復鯨吞一曲歌殘互相雀躍有是哉風虎之追隨極樂雪鴻之蹤跡堪尋此情此景曾幾何時而今不可得矣夫以益庵手挾龍文胸張牛弩思皆絕俗語必驚人固不僅以詩鳴而卽以詩論則亦有非凡所及者蓋其悠揚四始祖述三唐鏗金不寒鍊玉能喚揮毫疾灑春蠶食葉之聲著紙欲飛秋鶻凌風之氣裁出則無非鸞錦探來而盡是驪珠卽此一編良堪百世嗚呼益庵爲文恪之後入擅江村之世業峩峩列戟奕奕崇閭李穀白藤之輿尙

留主眷房喬黃銀之帶猶在臣家以彼奇才繩其祖武
將見袍披韋綬鍾賜杜淹可操券而得也奈何逝波箭
流急景颺及丹桂昨攀於仙窟白楊遽種夫荒郊而况
鶴馭纔歸鴻妻復喪呱呱黃口旋殤揚氏之童烏慘慘
紅顏流落荀家之阿鶩人生到此尙何言哉尙何言哉
所幸玉棺縱掩金簡難湮龍出骨而可憐豹留皮而未
死余也曾隨蠅弔空作驢鳴深悲鄰笛於黃墟忍鼓瑤
琴於白社詩人已去如聞辛棄疾之大聲故鬼猶靈屢
入盧元明之噩夢因而校詳故牘申誦前編獻我蕪詞
報卿知已四十年之事蹟略見一斑十五載之交情頓
成千古嗚呼

木雞書屋文三集

卷二

九

黃霽青太守詩娛室集後序

今夫豫章千尋乃有翻風之勢餘觴萬斛斯豈破浪之
觀故知氣盛者詞充才雄者語健今之詩人或僂輕以
失其度或沈酣以病其辭求其穢糝內隸規繩外立手
造五鳳胸吞萬牛精思默往則雷電無聲神彩忽來則
星雲失色其惟我霽青先生乎先生幼卽英奇長而敦
敏父子則才同庾氏弟兄則名竝薛家當夫東莊探梅
西圃就菊尋僧蓮社訪友桃源狎浪而訂鷗盟隔樓而
招燕語阮孚醉後飛花和展齒俱紅靈運夢中芳草與
詩心竝綠鴛湖夜泛月白三更鷺嶺朝登峰青一角斯
時也早已鷹揚藝圃鶚視騷壇子建誇七步豪吟公明
木雞書屋文三集

卷二

十

擅一鬢雋譽矣爾乃脫卻青衫奉將赤幟以犀角無雙

之士領蛾眉第二之班

先生爲已
巳科傳臚

光映鸞臺榮邀鼇禁

時則虎坊閒住鳳沼初游賞雨陶然之亭看花崇效之

寺爭雪光而白戰圍燭影而紅搖氣欲凌雲筆能畫日

王規五十韻授簡立成到沈二言應聲卽就籍田之

詠劉孝綽實冠一時郊廟之歌謝超宗獨高才子旣而

暫離冀北遠涉黔南持玉秤以量才刮金篋而試士所

過江漢巨浸荆襄故墟關號辰龍溪名亥豕洞藏紅蝠

林挂黑猿羹薦鷓鴣藥收蛤蚧以及武侯銅鼓關索鐵

槍狄武襄駐師之營王文成講學之社所聞所見半入

品題有情有文都堪唱歎此使黔一編尤聞樂者所爲

稱觀止也然而必登內翰所以成文士之榮久處蓬山
猶未愜蒼生之望於是辭鸞掖佩虎符初臨江右早著
循聲再守粵東尤彰美政人方慮蠻風好鬪薄俗難懲
宰白鵝而可憐牽紅鵝而孰訴豈知神君一到風化大
行狐鼠戢其姦謀蛟鯨斂其虐迹慰癸庚於雪屋戶免
流亡精甲乙於風簷人知學術而先生方且吮毫官閣
擘楮訟庭自公則樂府士吟元結則春陵一曲臣心似
水隨時爲琴鶴之游宦跡如雲到處得江山之助花貍
穀犬盡觸吟懷猴蔗鴨桃亦供詩料斯則范公帥粵錄
著驂鸞韓子遷潮文成驅鱷殆無以過焉今者捨二千
石作六一翁夢醒春明情濃秋興園真獨樂館是忘憂
木雞書屋文三集

卷二

七

灰心蕉鹿之功名把臂柳鶯之故舊纜抽手版有東坡
大笠之風偶脫頭銜無南山短衣之歎綠雲三徑黃雪
一房書雉百城酒罄千楹編陳起江湖之集作張爲主
客之圖從此著述彌增詞章益粹王筠晚歲無媿者英
李嶠暮年羣推宿學矣金臺籠鵝自苦繡虎林誇名雖
遠遜龍頭心則願隨驥尾敢將卮語希附瑤編若夫項
斯窮句借重於楊公張祜苦吟上干夫李相他日拙詩
手定亦望先生不吝一言也

汪一江古梅谿館詩序

憶甲申歲晤一江於九峰寓舍纔經識面未訂知心固無由讀其詩也既而於友人處見君所刻古梅谿館二集於焉盥以薔薇薰之艾蕪秋雲木葉欣圖柳惲之詞海日江春徧寫王灣之句回環佳什殊切鄙懷特是兩地相思雖有神而有道三秋久別竟莫往而莫來席間難遇孟嘉夢裏空尋高惠渺渺百里忽忽十年矣丙申春仲始謁君於梅里志切推袁情殷訪戴文章合契媿桃李之遲投風雅論交喜芝蘭之互拂君乃出其全橐屬爲一言白璧自握不鄙砥硃黃鐘在懸特眷瓦缶君旣獨有其千古僕豈莫贊夫一辭則請卽君之生平而

木雞書屋文三集

卷二

七

敷陳之可乎爾其遙溯前徽上承令緒王刀無恙范硯長留陸平原能述先芬謝康樂善揚祖德母喪抱痛竇羣嚙指而悲號父疾難瘳呂昇探肝而力救白鵲集朱家之舍黃蛇馴程氏之廬風凋秋樹無限傷懷日澹春暉尙思圖報本靡瞻靡依之念發至情至性之言此一時也旣而豪情勃發游興頻牽鷺嶺餐霞虎邱踏月尋螺峰鶴峰之勝歷蝠洞燕洞之奇樹樹泉流巖巖石峭倩野猿而攜芒屨招老鶴而導枯筇黃葉飛時最多鹿跡白雲高處忽有雞聲登臨則風欲折腰談笑則煙皆入口山川有助發道濟之奇情筆墨如飛盤昌黎之硬語此一時也若夫良朋聚首密友談心徑開栗里之三

賢選竹林之七則有馬小倉觀察馮柳東太史諸公相
與宴設南樓觴飛北海立美人於花下醉後彈箏呼壯
士於燈前狂來說劍往往一篇跳出四座傳看罰除梓
澤之苛體勝柏梁之製郭侯席上共讓李端闔督筵間
羣推玉勃此又一時也近者袁安閉戶沈重課徒春夢
都消冬心獨抱蕭條四壁渾忘窄似鵝籠子立一身不
解計營兔窟竹有低頭之葉梅無仰面之花猶復擁膝
搆思皺眉索句推來賈手熬斷盧髭昌谷啞肝費精神
於夜夜文園病肺增著述以年年此又一時也要之君
詩深造以資練才於學其境之高也如華山明月其氣
之厚也如太液層波其體之秀也如瑤島鮮花其格之

木雞書屋文三集

卷二

三

老也如成都古柏故能遙情孤往逸興遄飛以雅以南
可宮可徵儻逢賀監貂盡猶餘若遇上官紙飛不落矣
憶昨與君訪暴書亭綠梅朵朵過蝶舍而流連紅柳絲
絲循鴨闌而顧盼未嘗不歎竹垞之學貫千秋才凌一
世生能敵夫貽上歿且服乎歸愚斯文未墜必有英絕
領袖之者今讀君詩乃知顧琴雖奮曷堪攀和鉢尙
存後賢可畏老杜往而小杜繼前劉去而後劉來大雅
之運豈偶然哉

士伏鑑前

來備險

其莫

其莫

趙凌洲道人詩序

道光己丑歲凌洲道人索題秦溪春泛圖余爲作兩絕句斯時也卽知道人冲襟遠標勝氣直上陶春秋之佳日締風雅之良緣余固心儀之而未見其顏色也今年余至古鹽得見張雲槎鍊師讀其詩聲鏘金石彩溢珠璣追琢之工稟乎大雅精能之至發爲堅光爲之欣賞不置雲槎謂余曰子愛余詩子亦見凌洲之詩乎凌洲名句獨造奇情畢宣余殆弗如也次日卽訪凌洲於棲真觀松關迢遞蘿徑幽深龍竹一枝鴨桃幾樹綠庭雨過清光入樓丹竈風生爽氣盈座梅花修到定費幾身瑤草栽來不知人世頃之凌洲出詩相質果然天機

不雜書屋文三集

卷二

十四

發逸趣霞騫毫端走萬壑之濤腕底借三霄之露青龍天矯疑流影於行間白鶴翔鳴似墮聲於紙上蓋其養心有術鍊骨多年笑富貴爲一時之花知盈虧是千古之月訪秋雲北看雨水東橘中布棋梅外作畫十丈之軟紅不到千杯之大白頻傾落落空山問誰知已茫茫大海此卽散仙故能天籟獨鳴靈漱自奏聰明絕世石記三生神妙超羣丹成九轉以視雲槎所作一則性情縝密一則才力恢張譬猶雙珠闌光兩劒角勝笙簫不同音而總適於耳蘭芝非共氣而俱悅於魂二君可謂勁敵矣嗚呼士子半世埋頭窮年擁鼻或且靈源未討妙旨難尋販鳳而自是其愚植麟而不以爲恥較諸道

人之筆濯紅泉字堅白石不平庸以傷氣不沈隄以病
詞高下淺深奚啻倍蓰張叔未贈句云勾曲詩情張伯
雨雪溪畫意趙王孫蕭雨香贈句云長河秋月影太華
老松聲真知言哉余前日登障海樓見夫潮生白塔浪
湧黃灣晨旭纔明怒雷忽起蛟房蟹舍幻成一片冰壺
鼉府龍宮攝出千重戰鼓心驚目眩彷徨久之讀凌洲
詩恍惚在煙波兀兀中也

木雜書屋文三集

卷二

七

天寥和尚遺稿序

庚寅仲夏余過胥塘友人柯小坡魏小石示余天寥刻詩三卷急取讀一過愛其性靈獨發華液相滋恨不得如李洞之晤雲卿鄭谷之交齊己以豁我塵抱焉爲悵然者久之二君謂余曰天寥歿一紀矣其生平行事甚奇子曷不序之以傳諸將來乎余曰可哉按天寥俗姓吳氏名鵬吳江蘆墟人本衣工也時同里郭頌伽以詩鳴吳越間北郭筵開十才聯軫南皮宴設七子齊鑣天寥久習蘭香頓移蓬性邵謁廁身於微賤特愛風騷汪遵記跡於卑汗偏知吟詠當頭煙景裁翦都工滿眼風光鍼縫入妙頰伽乃假之毛羽獎以齒牙驥尾許隨牛

不雜書屋文三集

卷二

六

心取啖年年土已被水偕游歲歲重陽登高互唱竝泛茗溪之月同探鄧尉之花此一時也樂可知已然而薄俗難容孤芳易忌雖揚睂於雅士每切齒於庸流蓋頰伽旣取嫉鄉隣而天寥尤見憎市井惡徒龙吠將揮石勒之拳醜類鳴張欽折范睢之脇天寥思其難作也遂乃縱誕不羈頽唐自放呼盧白晝喝采黃昏旣逐戲於豬奴復潛蹤於狗盜甚至一身無主作張儉之逋逃十載離鄉雜王成於傭保跡等傷弓之鳥情同食蓼之蟲骨自銷餘見蠅飛而神悚膽從破後聞螳鬪而魂驚臨風嘆惜字字牢騷對雨呻吟言言沈慟此一時也悲何如之幸而知已尙存交情未斷勝道而求孫惠引舟而

訪郭翻挽厥迷途開其覺路先是魏塘雁塔寺有詩僧
北萊者與頻伽爲方外交天寥亦曾識之遂以北萊爲
師而擇日薙髮焉於是珠銷泥滓鏡出塵埃樹清淨幃
破煩惱障一波不起萬花欲飛獅座忘言虎谿大笑習
猶染乎名士顛不礙夫阿師已往悲歡都付東流之水
從今甘苦但看西海之雲恥同周賀復返儒冠願作彥
和終持佛鉢方謂紅塵永脫鷲嶺緣長何圖白業纔參
魚山梵絕蓋爲僧僅十有四月而遽歿矣嗚呼天寥少
年爲縫人壯年爲博徒中年爲逋客晚年爲釋子連遭
橫逆唾面難乾備歷艱危剝膚可痛而猶能泉飛藻思
雲散襟情狂吟於山阻水涯寄興於露初星晚此其中

木雞書屋文三集

卷二

七

必有所以自得者然非頻伽之刻意裁成盡心提挈竊
恐豹藏窮谷莫見一斑馬困鹽車孰知千里由此言之
天寥可無憾矣彼夫嵇家署鳳楚國沐猴豕腹盈途塵
頭滿坐生不作千秋之計死竟無一字之留較之天寥
所得爲何如哉余序天寥而兼表頻伽者良以靈徹名
高實藉嚴維之力高閑望重要推韓愈之功而不知者
反以天寥之顛踣一生浮沈半世謂頻伽以詩誤之也
不亦無識之甚與試質之柯魏二君其以余言爲然否

顧榕屏詩序

丹霞滿天紅日近地蠅營莫避蟲熱難祛忽然秋意三分涼情一味口似咽夫黃雪身若化乎綠煙則我友顧子榕屏寄詩一冊索余點正者也榕屏非熊再世吐鳳高才左思貌寢而詞藻繽紛賈逵身長而文史充足嘗以古學受知於學使何仙槎先生特冠一軍洛下秀才蔡洪第一漢家鬪將韓信無雙固已名著雄風句傳雌霓矣其爲詩也清而能婉麗而不佻有宮沈羽振之音無劍拔弩張之態手割邱遲之錦口噴張祐之花天上鶴飛名言可摘梁間燕落好句忽來秋風起而逸韻流春草生而芳情寫唐球瓢內投片片之流霞辛愿橐中木雜書屋文三集

卷二

六

貯霏霏之豔雪乃復殷勤訪戴徽慨推袁其所往還者如方子春徐芸覲卜達庵張海門諸君旗鼓相當珠璣互灑而僕亦得結求羊之侶訂枚馬之交高會西園聯吟北郭嘗贈余句云詩筆恢奇徧杜韓文章雄麗追徐庾又云才大未妨遭世忌家貧轉覺著書閒余滋媿已猶憶虎林暫寓鷺嶺同登一路松光四圍竹響表裏青靄高低白雲處土墳荒梅邊訪鶴美人樓遠柳下聞鶯西冷之急雨催來南屏之夕陽欲去兩隄風緊行來馬跡之前三竺煙深吟到猿聲而外勝情相引古趣彌多茲者重讀瑤篇倍欽雅製蘭言白馥松格獨高迴非豕腹癡肥亦異蜂腰寒瘦僕才如退鷁氣尙食牛雖不敢

鍾穆園詩序

宋鈞設教獨重徐苗薛漢授徒首推杜撫他若唐彬之
從閻德克荷薪傳皇侃之事賀瑒盡窺枕秘自古師若
弟之契合殆不啻風鐸之交鳴霜鐘之遞應焉此余於
鍾至穆園之詩喜其清新雄麗實獲我心者良有以也
穆園英姿正蔚朝氣方升張思曼楊柳一枝謝康樂芙蓉
十畝每當煙黃竹曉露白荷秋蜂鑽紙而頻敲燕窺
簾而直入飛花陣陣羣螿倒拖宿草蕭蕭一蛩獨語
陽暎蒼碧雲歸鳥之山孤月未來紅葉亂蟬之寺生
發揮藻思并寫襟期五字城高七言幟建涼邊洗句
到同吟空外傳聲雁來如答滿囊煙霧驅野鹿以馱歸

木雞書屋文三集

卷二

干

繞指風靈掣長鯨而使起海色收無邊之綠山光接未
了之青宜其逸趣橫飛古懷遙集賦景則蒼苾獨立言
情則宛轉關生可謂語選青錢字工黃絹者矣猶憶生
之初受業也妃豨莫辨帝虎多訛余也姪直性成煩囂
舌做馬纜受駕遠期躡電追風鳥始習飛便望衝霄入
漢竊笑沈重提撕之濼願為樊深講解之精幾同陽城
督責之嚴絕少張偉寬和之趣而生則色無忤恨志益
勤觴常爽之罰何嫌傅昭之言悉領曾不數年而鳳毛
易長犀角通靈程駿則能反三隅尹徵則博聞六藝包
何妙筆善學浩然石介雄詞無慙孫復一片之宮商迭
奏九天之珠玉齊飛美哉淵乎未可量也所望蛾術時

增螢光勿輟芝蘭香遠還要栽培桃李花榮九須灌溉
他日者儻得如韓偓成名薦趙崇於朝宁宋璟出仕引
李愷於田間豈不快甚卽不然如李至寫徐鉉之集常
抱一編陳壽輯譙周之文俾垂千古亦足慰傳盞之素
願報琢玉之微勞若夫宋挺忘恩鄭伸負義豈煩爲生
過慮也哉嗟乎老鶯強舌難調睨皖之音倦馬識途尙
帶騰驥之氣豈敢汗流籍湜要當心服晁黃茲因生之
所請序其簡端生其浴波討源因枝振葉佇見町畦日
闢追步齊梁節奏彌高希聲漢魏才力所至必有更造
其極者嗚呼果能層累不息其所造當不止詩辭也已

木雞書屋文三集

卷二

三

其就壽詞平果... 關安... 其... 帶... 願... 田... 豈... 不... 然... 李... 至... 寫... 徐... 鉉... 之... 集... 常... 抱... 一... 編... 陳... 壽... 輯... 譙... 周... 之... 文... 俾... 垂... 千... 古... 亦... 足... 慰... 傳... 盞... 之... 素... 願... 報... 琢... 玉... 之... 微... 勞... 若... 夫... 宋... 挺... 忘... 恩... 鄭... 伸... 負... 義... 豈... 煩... 爲... 生... 過... 慮... 也... 哉... 嗟... 乎... 老... 鶯... 強... 舌... 難... 調... 睨... 皖... 之... 音... 倦... 馬... 識... 途... 尙... 帶... 騰... 驥... 之... 氣... 豈... 敢... 汗... 流... 籍... 湜... 要... 當... 心... 服... 晁... 黃... 茲... 因... 生... 之... 所... 請... 序... 其... 簡... 端... 生... 其... 浴... 波... 討... 源... 因... 枝... 振... 葉... 佇... 見... 町... 畦... 日... 闢... 追... 步... 齊... 梁... 節... 奏... 彌... 高... 希... 聲... 漢... 魏... 才... 力... 所... 至... 必... 有... 更... 造... 其... 極... 者... 嗚... 呼... 果... 能... 層... 累... 不... 息... 其... 所... 造... 當... 不... 止... 詩... 辭... 也... 已

木雞書屋文三集卷三

平湖黃金臺鶴樓

平湖黃金臺鶴樓

歲在庚子余客金閭出游三日未識一人門前之雀可
羅場外之駒誰繫自媿鸚湖之下士敢攀虎阜之英流
不意肩生先生猥採虛名先勞文旆東陽過訪直教孫
晷情傾北海論交頓使禰衡心服夫豈馬勃之賤亦登
醫書牛鐸之微堪佐樂律以故殷勤說項慷慨推袁乎
自茲以後頻接塵談徧窺鴻製所示駢體文及試帖律
賦諸種靡不英輝燭天黼黻藻地植幹綜古敷材艷今
文陣張鵝鶴之軍詞瀾吸魚龍之氣非讀萬卷身難入
木雞書屋文三集

卷三

一

門但傳一篇紙早貴市若夫祖述三唐抗行兩宋則其
所著詩集尤覺冥思雲構逸致霄飛春水涵其言泉秋
霞麗其辭藻玉筠寸詠妙能指事肖形蕭遠九吟最善
模山範水巨則驅雷役電叱呼鼉島之間細則吹竹彈
絲爾汝鶯簾之下鶴市七里鱸鄉一亭鴉嚙短簿之祠
鹿走長洲之苑悉皆紛披紙上收拾行間更奇者到沈
握管二百言倉猝卽成魏收揮毫五十紙須臾立就札
給十吏盡是佳篇鉢敲一聲居然傑構奚必肝嘔長吉
手推閩仙而後愜心貴當也哉余與先生交纔一月義
篤三生知先生少歲風華家資殷實蔚宗自奉儘多器
服衣裳游楚出行不少琵琶箏笛羊鐙雀舫擁南國之

魯嬾仙詩文集序

僕耳嬾仙先生名久矣雲霞契慕神交者十二年霜露
蒼涼道阻者三百里庚子春仲始把晤於吳郡偶印雪
鴻之迹遂敦風虎之交蒙示聯散文及古今詩數種捧
誦之下歎其思若雲涌語羞雷同批熊掌而拉虎斑披
犀角而擢象齒瓊瑀玉佩柳子厚大放厥辭鐵版銅琶
蘇長公能伸其氣近時作者未之或先也而僕所最服
膺者則在日本樂府一卷以西崖之體製紀東國之人
文龍漠而遙見聞無誤鴻濛以外放證靡遺佩縮地之
壺逞談天之口斯則詞如馮定屏幃堪書才類堯臣弓
衣可織焉夫以先生幼吞丹篆長窺綠圖華拳七英藻

木雞書屋文三集

卷三

三

速十札本南鎮之名士作東吳之寓公旣而負笈北征
出門西笑瘵饑則紅豆煮飯夾路則黃沙滿車回思鄉
土越山曾遇猿公徧歷風塵燕市惟交馬客意牽今感
胸觸古悲宜乎明遠歌行路之難仲宣賦登樓之恨也
近者大鵬羽息老驥心閒豔豔桃花家近唐寅之塢離
離橘葉業精錢乙之醫而且忠爲人謀義因事奮來君
叔東京信士孫賓石北海賢豪暇則對竹構思撫松覓
句雨後雙屐吟與蝶聽霞邊一觴歌憑鶯和況吳中爲
名勝之地冶麗之區七里水環一樓山入鄧尉之梅萬
樹洞庭之柚千林花落鬪雞之陂草生養鶴之澗行春
橋下兔月招人銷夏灣前鷗波送客挾兩三之簫史呼

二八之船孃不尤足以抒寫襟情激揚藻思乎向者聞
道路之言謂先生眼空四海氣盛一時劉季緒不少詆
訶吳邁遠恆多凌轢魏收傲物每嗤邢邵之文靈鞠矜
才不取王儉之作居然黃鶴天降卑視衆禽紫駟地飛
恥儕凡馬矣乃僕自訂交以來但覺先生神采月和語
言雪灑入荀令之室芬芳滿懷聆裴遐之音琴瑟盈耳
豈其百鍊剛化爲繞指柔耶良由閱歷久則意氣漸平
學問深則性情自粹也先生所著尙有語錄一卷字母
三卷韻略二卷姓氏補一卷經史辨正一卷本草補遺
二卷茂先洽聞夾漈博物此亦可與詩文集並傳者辱
委弁言義不敢讓但僕中郎枕空孝先笥儉縱執鞭其
木雜書崖文三集

卷三

四

有願欲追步以無從如何如何

三卷韻略二卷姓氏補一卷經史辨正一卷本草補遺
二卷茂先洽聞夾漈博物此亦可與詩文集並傳者辱
委弁言義不敢讓但僕中郎枕空孝先笥儉縱執鞭其
木雜書崖文三集

千叢林細五色泉明峰頭鶴唳之天江上龍吟之地山水毓秀人文蔚興以故南村則筆硯自隨東海則文章遠播揚鐵史蓬臺狎伎不廢嘯歌陳肩公茅屋留賓共商著述是皆才高一代光照三吳近者風雅稍歇矣乃有元圃探玉赤水求珠文心如彥和雕龍賦手若韓洎造鳳抽牘霞燦灑墨露飛抱膝閒居日無管樂拈髭苦索旬有陰何則丁司馬漑餘先生是也先生筆掃千軍學貫九變萬卷撐入胸腸十圍副其腰腹聲騰鬢序未遂鵬圖名注銓曹依然豹隱暉承綠野曲奏白華魚生陸政之池蟹入張根之室加以伯霜仲雪前襟後裾楊

本雞書屋文三集

卷三

五

氏竹林談笑彌洽謝家池草唱酬胥同樂志之願旣酬棲幽之勝畢具家有宛在園焉春生柳眼秋入蘭心梅開而雀巢亦香蓮動而魚影欲活殘紅騎蝶亂舞斜陽嫩綠坐鶯羣歌宿雨羅含黃菊之宅柳惲白蘋之汀壁間風動琴聲偶聞窗外潮來帆影儵過盤谷居李輞川圖王洞非避秦齋是寶晉成北苑之畫意暢南華之天機儘有煙霞足消歲月從無風浪或到林泉而且郭巾一角阮屐雙穿蜂隨載酒之舸猿捧問花之杖雞陂鶴澗吳苑尋歡龍井馬陸武林訪勝攜筇西雪桑陰萬株敲棹南湖菱葉千頃秋歸鴉背踏白門之曉霜波動鱸腮泛黃浦之夜月龍湫望海喚鼃鼉而聽謳鶯脰賞春

招鳧雁而共語雅游則盡爭地勝奇句則力破天慳野
鶴閒雲定是神仙之侶鳴蟬落日時聞山澤之音況乃
雞壇愛士兔苑留賓房彥謙交道日宏張子布聲聞大
著凡樹米架羊之彥飲又吐鳳之英靡不把袂欲先攬
環恐後夜半之客詎惟逸甄日中之期弗爽前范孔樽
恆滿徐榻不懸王舟突來蔡屣頻倒甚至金閨才女爭
識耆卿玉版高僧亦知坡老書窗雲集德里星聯月墮
笑聲之餘花香綺語之下宜其詩之晚而入細變而彌
工也今者年逾周甲學更艱辛河海之氣迎秋而潮松
柏之姿經冬則絢積五十年之久成四十卷之多徐雪
廬待詔朱椒堂侍郎陸飲江大令姚水北明經皆曾撰
木雞書屋文三集

卷三

六

序金臺似無庸贅一詞矣猶憶郭泰庭前曾充末座李
鄖門外枉過高軒每論風騷最相契合話別又經卽霽
吟詩不厭千回茲復不棄菲材俾爲隍引都官晚出得
披表聖之編皇甫後生竟序逋翁之集不可謂非鄙人
之幸也

方古然女史自怡詩草序

葛山少婦執越布以歌勞柘館貞嬪裂齊紈而感舊或傳釵鳳鏡鸞之句或著雨蟬風雁之章然則機杼之餘米鹽之外共於一吟一詠正復何嫌何疑而必謂翰墨非中饋所宜文章乃深閨所忌豈通論哉古然女史醫士陳生之室也夙嗜縹緗特長篇翰前身蓮葉早洗陳泥此日椒花儘多新製嚼紅霞於舌底調白雪於手中謝女解圍珠簾微隔韋孃設教紗幔高懸當夫茗煮龍團香縈烏篆目翫平碧睂浮遠青窗間則倦繡紅絨几畔則欣裁黃絹羊燈宵盡擘殘十幅蠻箋雞枕晨催拈取一枝斑管題諸粉壁蘭氣恆馨書到羅巾桃花欲笑

木雞書屋文三集

卷三

七

詩品所云取之自足良殫美襟者此之謂也女史又能填詞靈響遙結古調獨彈諧琴雅於秋林和笛家於春水嘗作竹塢填詞圖風前鸞尾十竿五竿月底鳳聲一闌兩闌觀者靡不歎其有林下風致焉女史又善畫梅狀一角之寒煙寫三更之殘雪空山古徑老鶴如飛流水小橋瘦驢疑活以李清照詩歌之暇兼管道昇繪事之工豈非技擅三長才包衆美者與且夫曹洪賤啟會可貸於陳琳賈謚詞章亦借資於潘岳在擢紳且多膺作況巾幗尤鮮真材故朱錫鬯謂前明諸閨秀詩皆係僞託良可哂也今女史則自能製錦無藉捉刀雖稍遜左鮑於千秋已足分裴張之一席余因爲之刪其繁複

汲厥菁華庶幾吟榭流芳藝林播譽儘堪浮白賞金屋
之好辭請付殺青續玉臺之新詠

大雅書屋文三集

卷三

八



此列清華思幾知恨流英藝林播譽儘堪浮白賞金屋
汲厥菁華庶幾吟榭流芳藝林播譽儘堪浮白賞金屋
之好辭請付殺青續玉臺之新詠

朱晞芳女史先得月樓遺詩序

余嘗讀閨秀之詩易於流傳何也片言偶發價若兼金
隻字爭求珍如琪璧音乖正始尙稱不櫛之書生賦類
俳優曲如掃眉之才子此亦古今之通病也若夫翦月
爲心鏤霞作想清華鍊骨奪出梅胎曲折運思通入藕
孔而況風分儷影雁愴單飛井中之水無波雪後之松
益翠劉令嫺祭夫之作悽惻動人李弄玉歎逝之篇悲
憤無極則有如朱夫人先得月樓遺詩斯足尙焉夫人
諱蘭字畹芳吳江人徐淑工文憲英知義園花不盼庭
草自馨年二十二適乍浦沈君晉儒以鸞奩之才娥配
龍湫之佳士牽絲鵲夕奉盟雞晨如意珠圓同心佩合

木齋書屋文三集

卷三

九

鳴機佐讀邁於羊妻漂麥驚呼陋彼鳳婦暇則蜃窗拈
管魚網織詞千迴錦上之文四角盤中之曲香生硯匣
韻入琴絃旣鴻案之相莊宜鹿門之偕老何圖衛叔寶
乘羊之日卽是賈長沙賦鵬之時甫慶熊占旋傷鶴化
人影與青燈獨對淚痕隨紅血俱流特因姑已白頭正
須侍奉兒纔黃口端賴提攜遽踐同穴之盟孰任持門
之寄遂乃徹其膏沐卸厥巾幘七寶鳳頭釵易茲珍膳
三梭鵝紋布裁作冬衣親嘗熊膽之艱辛備歷羊腸之
險阻三生夢斷把白玉瑛而不離百鍊心堅問黃羅襪
而猶在每當涼月入牖殘星墮樓林鴉有聲梁燕無影
愁容慘澹惟許蠶知苦意纏絲祇與蛩語孤生桐冷獨

活草傷以茹霜嚼雪之人作泣露唬煙之句秋生紙上
吹出西風春褪毫尖飄殘夜雨雖韓娥悲響齊女痛吟
無以逾其淒切也所幸賢子浪仙稟姿絕高娟學不倦
室有桓家之豹庭來賈氏之彪六月遺孩未嘗姑息五
齡入塾倍切提撕以故周伯仁少佩義方房景先幼明
詩禮早著鳳毛之美譽實由燕翼之貽謀而無如寒泉
不流虛谷頽景病鶴返素哀蟬蛻紅天不從趙昱之祈
人欲罷王脩之社夫人歿於嘉慶乙亥春秋僅三十有
六痛哉今浪仙年亦四十餘矣著書滿家積稟盈几入
室者須讀五千卷乞詩者乃得九萬箋孫綽句作金聲
張融集名玉海能成繡虎雕龍之業大慰孤鸞寡鶴之
才

木齋書屋文集

卷三

十

心然且追念庭幃不忘訓誠張譏對帕隱痛難勝邱傑
奉甌餘哀未歇邇者蛟潭肆虐緹壑逞妖鄂嶺煙騰幾
無人跡乳谿雲暗盡作戰場險遭猛虎之奇災脫身鋒
鏑急抱慈烏之遺集索我文章嗚呼源深者流自遠本
茂者枝必榮以夫人荼苦一生蘭馨千古將見匪石之
操揚燁管於范書如松之貞播芳徽於劉傳奚祇耽情
吟詠肆力簡編區區列殷淳之選中入常璩之志裏哉
而浪仙之孝思不匱則尤可感也已

柯小坡杏花春雨館詞彙序

余與小坡交二十年矣嘗同受知於山陽汪文端公歎其賦才獨擅文采克彪曼一片之宮商流千言之珠玉潛江陸海自著恢奇謝月宋風別成馨逸而未知其工倚聲也丙申夏始出杏花春雨館詞彙見示蓋取虞伯生寄柯敬仲風入松詞意派演丹邱慣唱江南之曲名題紅杏諱希小宋之蹤激昂而鐵撥諧聲宛轉而銀笙應拍響在絃外神傳箇中風懷特道雪格尤潔受而讀之不覺其奪我目移我情焉當夫遠離蕤渚隨宦枯州船泛鷓鴣好認同年之妹階飛蝴蝶誰憐冷署之官停車於八詠樓前步履於九盤嶺外戴山風輒歌聽鷓鴣聲

木雞書屋文三集

卷三

七

嚴瀨波寒光分漁火酒旗舞而楓落獵網懸而篠欹靡不調極鏗鏘思通要眇探錦寨劍池之險字必求安攬金爐石鼓之奇節俱入妙旣而客游袁浦路出胥門訪香徑而行吟過琴臺而弔古玉鉤夜冷難消粉黛之愁鐵甕春殘欲下英雄之淚苔纏壤冢問漂母其奚歸草蔓荒城悵甘羅之不見望斷鄉關之遠愴深旅舍之艱局脚牀穿凹心硯做倚銅簧而寄傲把金瓊而銜悲羈緒迭生妍詞逾富至其雕鏤羣象點綴化工刻竹分題搜花入句暗香疏影多自度之腔瘦蟹殘蟬續補題之舊劉一止曉行之作張九成桂子之吟並託長箋紛摹小物鳥語如答魚行許聽標雋句於黃花變新謳於綠

意寫生酷肖顧誤殊難他若與寄香閨語傳綺障春人
心事落花能知秋士襟期殘葉並墮小扇單衫之趣金
刀繡段之緣東牆則宋玉多情南浦則江淹善恨故能
鏤肝貯雪嚼齒流霞月照彎彎非無根觸花開緩緩不
少流連此又可參崇祚之新編步耆卿之小令者矣嗟
乎詞人已老白髮蕭條騷客無聊青衫偃蹇李龜年逢
場有日楊狗監薦士何時鸚鵡才華聰明久誤鯽魚措
大嗚噓偏多惟我與子竹柏悅心芝蘭合臭互相標榜
各助切磋媿徐庾之齊名謬推儷體譜周秦之逸調竊
附知音誦美清風殊覺品高青兕話聯舊雨直將盟矢
丹雞

木雞書屋文三集

卷三

七

張采言清溪竹枝詞序

丙申夏晤林雪巖於韭溪寓舍出張君采言所撰清溪竹枝詞百首索序余循覽而起曰異哉朱錫鬯之駕湖糴歌以一郡言之也彭羨門之金粟閨詞以一邑言之也若夫地僅一隅塗非四達縱有淵雲墨妙巖樂筆精其曷以伸引豔情激揚藻思哉乃觀張君所作抑何采摭之宏而翦裁之巧也爾其舊隸鹽官俗名林埭東湖一棹勝景如雲南海九峯晴光八畫郎住躡雲橋下妾居釣雪汀前屋繞青桑籬圍紫槿三家村外樹樹桃花百可園中田田蓮葉風迴柴蕩漁翁賣蟹而來日落石圩村女呼雞而過客到馬騎港口一路草香人行魚樂

木雜書屋文三集

卷三

三

涇邊四圍浪靜宿雨消而酒家懸旆晚煙起而窻戶燒
甌破寺水環老衲臨流而閒望荒庵木落雛尼對月而
有懷亦旣掇入錦囊播諸鐵笛五花采管寫盡風謠十
幅蠻箋製成水調若乃倪參政題扇之風尙存清氣沈
秀才橫戈之地可想壯猷遠隴牛歸亂踏松楸古塚平
田鴉噪似憐烽火倭墩鶯嘯綠柳之莊燕弔紅檉之舍
橫塘六里祇見白鷗茅屋三間惟餘黑蝶遺蹤不少軼
事尤多則又感慨交縈歛虛並集者矣是編也婉而有
情質而不俚將見傳諸畫舫竹肉引其纏綿賸到旗亭
檀槽諧其節奏地以人傳非此之謂乎雪巖曰然是用
述之弁厥首云

柯春塘太上感應篇說穎序

夫使作福作威忘元機之迭倚餘殃餘慶味神道之至公則是裂檢踰閑不遭冥譴修身砥行罔獲天庥人情之曖昧難明世路之傾危益甚然而易繫吉凶之旨書陳迪逆之謨在往籍方丕著其明威豈後儒不深思夫顯報此柯君春塘所以有太上感應篇說穎之作也按太上感應篇載宋書藝文志由來尙矣惟是理宗御題而後著述始尊鄭相作贊而還流行漸廣而數典者恆嫌古奧遺詞者或病支離孰是簡而彌文繁而不殺令閱者憬然悟惕然思哉春塘才高學粹志潔行芳久泛孝廉之船將膺廣文之職猶復五經之陳彌虔庚子雜

木雞書屋文三集

卷三

古

識之纂不滅癸辛而是編也昭彰瘴之公心示勸懲之至意耳提聾俗木鐸聲宏指點迷途金繩路徹引南鍼於苦海懸北斗於靈臺言則白傅解詩能通老嫗事則道元畫壁可愧凡夫非徒一粒之丹直作千秋之鑑矣或謂報施之說殊非賢聖之經不知降異殃祥保衡作訓徵分休咎箕子陳疇苟無人焉提撕而警覺之竊恐羊甌雞妖罔知孽報雀環龜印誰識善緣因果之不明卽危微之未析也然則妙作箴規廣爲宣導婆心獨抱苦口靡辭作五典之敷陳當三章之約束語長心重何妨二酉同儲詞達理明誰謂六丁敢攝

琴臺賞雨詩序

琴臺者在武林艮山門內蓋姚春漪孝廉之墅嘗與吳穀人祭酒談藝於此者也當日者地闢三弓廊迴十步一拳石古半壁池清蘭芳逼人竹曉催鳥紅飛蕉鼠綠戲荷魚棋聲敲雪屋之鏗詩興發風樓之笛博山睡鴨香爐繞煙芳草鬪雞酒缸滴露此林亭之勝槩可想像而知焉壬辰秋仲余與顧子榕屏同寓斯園時則梧葉墜階棗花堆屋槐青月淡藕白風香羣螢夜流一蝶朝舞頭飄黃霞腳跂綠雲顧子乃集良朋設芳讌揮玉如意浮金屈卮幾費杖頭嘉肴適口勿勞展齒好景盈眸絕無孟祖之叫囂饒有深源之談詠尤奇者旱經一月

木雞書屋文三集

卷三

五

田垆千疇適當北海筵開忽爾西山雨至飄龍睡醒鼓大地之風雷孤鶩飛還帶漫天之雲霧銀湍亂灑珠沫橫衝樹停蟬聲牆滿蚓跡脫帽而十分秋意披襟而一味涼情把瓊高歌卻喜魚鱗盡活停杯遙盼尙驚馬鬣騰空此足以興傲七賢歡踰四美者矣然而聚散靡常合離無定回憶春漪穀人諸君花邊握臂松下掀髯倚欄聽雲傍牖讀月去泛西湖之艇聞共鷗盟歸攜北郭之樽醉尋鶯語燭刻三寸鉢催一聲序王裴制水之思成皮陸松陵之集乃未幾而庭空燕泣砌斷蛩悲薇瘦紅欹柳低碧輒酒壚重過嗣宗已作古人琴曲乍終子期久爲異物宋祁客去不見名流杜佑亭存復來我輩

惟秋興最宜客子況甘霖欣謝天公盍灑狼毫述斯佳
話再須鵝絹繪厥良游願子曰然於是同人各撰一詩
方子春作記而推余爲之序

木雞書屋文三集

卷三

六



木雞書屋而書於此

...

...

鴛水聯吟序

蓋聞易占麗澤詩美他山友朋規摩之益非祇在詞章也而亦未始不在詞章以故簡折鄒枚壇傾高李秦黃一輩五角辭場元白諸公動盈吟軸以視世之擁衾索句扃戶成篇獨學而無友者豈不遠哉皮戎之秋社開鴛水課集鴻才始祇及乎鄉邦繼乃徧於吳越卷分午帳題寄庚郵鸞箋絡繹晨驛傳來鳳藻聯翩夜航遞到樓臺合造旗鼓相當霞燦舒奇雲來入妙品以二十四而備體非三十六爲工花萬樹而齊芳草百種而一碧南轅北轍關山未免分離東主西賓翰墨自能合契大雅宏達於茲爲羣矣不特此也風華掩映旣舒多士心

木雞書屋文三集

卷三

七

裁月旦評衡端藉老成眼力問三百人內豈乏濫竽看十九人中果誰脫穎分標甲乙細別丹黃鋪素練而玉尺善量繡紅絨而金鍼巧度磨瑕疵於白璧定聲價於青萍果盧前王後之無訛亦賈瘦韓豪之並取不特此也自來牛耳之盟尤貴龍標之得王擢隸事簞擊五花李端工詞帛分百匹到洽取緝延清奪袍眞快事也今社中畧倣此意凡成一課每潤五名縱不若月泉之社吳翁徧贈羅縑醉樵之吟饒氏豪投金寶然而菱菱細物芝蘭具見深情瑣瑣微儀桃李徧能永好風雅之途固無取乎豪俠焉不特此也搜來杞梓盡是瑰奇付厥棗梨庶垂永久苟非裴潏妙選曷由姚合成編乃者種

赤珊瑚以數年量白珠之十斛驚才絕豔誰非心擅雕龍
采秀擷芳屢見集成刻鵠各體咸備片長必收近時洛
如之聯吟韓江之雅集七子敦槃之盛九家壁壘之堅
豈必能勝此也哉惟是事歷三秋詩刊十集雖方輿而
未艾忽逝者之如斯周叔斗蔣霞竹唐菱伯王詩石諸
君身早騎鯨魂都化蝶黼黻藻地絲未盡而蠶僵英輝
燭天珠方生而蠅死得毋抱晨星之痛增舊雨之思乎
顧吐腸之夢已讖生前而鉢盂之言幸存世上不可謂
非社中諸君子之力也金臺才媿呼豨名欣附驥素稱
好事頻效微勞往時奔走鸚湖網羅碩彥去歲往來虎
阜號召英豪鷺鷗聯翩騶裊騰蹕遂覺香熏豔摘騷壇

木雞書屋文三集

卷三

六

益高銀涌金鳴吟事彌盛李尙書芝齡黃太守霽青翁
徵君海琛皆曾撰敘而余復書此者蓋補羣公所未言
也司社事者五人曰于秋淦源曰岳餘三鴻慶曰孫次
公灑曰楊小鐵均曰嚴松圃人壽

三十年久別葺城白鷗不飛七百里相違柘水紅鯉難
通壬寅仲秋重過雲間得晤丁君步洲雷君蘊峯知三
君方集英流頻興雅集鷺覓其友鹿呼其羣披襟而時
過求羊授簡而迭分枚馬聚八音以合奏彙五色以成
文一輩交游相團白社百年文獻克踵黃門三君欲余
作平原十日之留廁建安七才之列匆匆未暇也夫雲
間爲俊秀之區人文之藪粵自堂開二陸碑記三高南
村之別墅猶存東海之故居無恙他若亭名看劍場號
乞花留雲之壁百尋涌月之臺十仞雉媒芳草曾見佳
篇鱸膾香莼時聞雋詠近者風人漸希吟事亦輟今得

木雞書屋文三集

卷三

七

諸君子起而振之招邀仙才鬼才嘯詠達伯朗伯千牒
綺合一囊香霏琴無偏絃之張錦非獨蘭之剝俾色則
珊枝架赤鬪采則絹匹舒黃不可謂非佳話也當夫金
風過簫銀漢案戶九山楓葉初標淺紅兩岸蘆花徐墮
荒白瘦蝶出爾黃若野人之衣枯蟬集椽緣於吟客之
鬢時則一筇遯夕雙槩尋秋殘荷雨來著紙欲溼老桂
月入與詩並香迨乎蠅凍罷飛雀拳無語鴨銜燭冷雞
缸酒寒橋頭鞭響驢蹏觸霜渡口船回鷗背拖雪則又
鼎搜韓孟灰撥陰何鼠鬢結冰猶自呵毫鬪韻鶴眼烘
火依然促膝分題較之嵇阮竹林裴王輞水皮陸倡和
於甫里范楊聯吟於石湖何多讓焉竊念去年入夏以

來霧吐黃蛇山盤赤螻黑脣吹火碧眼跳珠上洋雲暗
鰐尾高撐大柳煙騰鼉牙欲噬突陣忽來封豕當關竟
失老熊萬卒虜奔孰射危檣之怪鳥三軍狼潰誰殲巨
壑之狂蛟雁戶仇離魚扉零落地有瘡痍之迹家無絃
誦之聲而諸君子猶能涉慮澄思締章繪句杯斟犀角
管舞兔毫泛方舟魚蟹之鄉訂圓笠雞豚之社況今鯨
波不起化爲瑞日之光象燧已消恬作彩霞之色雲中
雞犬都覺相安風裏馬牛料應不及益當孽賤視北翦
燭窗東門外車停座閒鉢響顧玉山主盟壇坫揚鐵史
管領風騷人來白燕庵前爭分吟席客過赤烏碑下願
廁詞場洵足振梁苑而先鳴馳楚澤而方駕者矣金臺

木雞書屋文三集

卷三

三

手乏八叉肱非三折義山獺祭承吉蟲雕乃蒙疊賁郵
筒俯收拙構不嫌檇櫟並付棗梨每自病於蜂腰輒幸
附乎驥尾近復寄書一寸索序數行日輪遠照翻取耀
於病螢風翻齊騫偏借聲於退鷁貫珠綴玉勝讀温岐
漢上之編擷秀採芳恍披元結篋中之集聊爲隍引以
作葦先

楊小鐵詩序

夫蘭生空谷無風自馨梅發空林得月彌豔是知神之遠者境不得而限之品之高者物不得而挽之詩之爲道何獨不然嘉禾楊君小鐵躬親塵肆業託買遷未免玉掩泥沙花飛藩溷而乃胸藏明鏡骨蘊慧珠飲若長鯨醉盡花柳游憑畫鷁賞窮江山葛巾飄煙團扇奪雪柳文暢牽蘭北渚水碧於羅曹子桓擊蔗南皮鐙明似晝含毫薄染上逼倪黃矢口成吟直追元白當其抑揚風雅標舉性靈春雲則舒卷自如秋水則波瀾獨老騁妍抽秘思若茗餘密詠恬吟聲墮竹外而且風懷不減霞想彌殷襲妙句於徐陵臺將號玉繼芳情於韓偓區

木雞書屋文三集

卷三

三

亦疑香嘗受知於同里曹種水馬澹于及仁和宋小茗吳江葉改吟諸先生十詠郊居獨得東陽之賞一篇宮體免遭北海之訶鄭當時交多大父之行嵇中散游半忘年之契少時曾與秋淫霞城諸君結六子詩社早已秀情超拔奇緒紛披羣豔耀日衆香同風邇年來復與次公松圃諸君遠徵碩彥高築吟壇成鴛水聯吟二十卷大羅天並集衆仙小乘禪齊參一佛攬環結佩多由萍水之遭拾芥引鍼便洽苔岑之契裘成狐腋冠聚鷄毛不惜捐金特爲攻木而君之詩亦自此益工矣惟我與君交深十載緣結三生初聞高詠求識袁宏繼領劇談大奇彭萊每共西園之宴會恆隨東野以周旋螿樽

浮青蝦鏡落紫游戲三昧嘲詆萬端殆相忘於形骸之外也壬寅之歲君復移居有小閣一間適對煙雨樓因顏之曰南湖水榭一日者爲余置酒於此則見雁齒橋鸞龍頭屋小斜照欲下脂痕尙紅涼颺已生帆影微白僧入柳陰古寺女撐蓑外輕舸魚戀書聲掉尾極樂鷗知客到聳肩相迎雲舞若花月流如水漁笛接曉鷺鷺不眠塔鈴答秋猿獺先起雙溪波活觀拍岸之鴨羣六里街長各六里聽隔城之鶯語余戲謂君曰以汝雅流居茲勝境地分北苑煙雲之畫身入東坡笠屐之圖卽非詩人亦能詩矣而況靈心自曉著手成春錦繡抒其胸懷珠璣生於咳唾領鐵史之風月主玉山之敦槃又

木雜書屋文三集

卷三

三

鳥以測其所至哉叵憶去歲以來水犀風急海鷗雲屯鬢背千帆鯨牙萬隊干戈動地涌來巨壑白鼉烽火漲天飛出滿山黃鶴王粲則穴狐感詠許渾則林燕哀吟得毋抱荒槐秋井之悲起細柳春江之感乎幸而跼鳶息厲毒虺停吹鄉號更生亭名豐樂薑船蟹艇兵燹漸消鶴渚鼇磯薜蘿無恙君乃招邀瀨弟跌宕醉侯花徑重開不驚鮫屨草堂猶在仍對鴛鴦乃屬惠施知我之深遂有敬禮定文之託所願能參五際自成一家干將入冶光燭蛟龍成連弩舟聲駕鸞鶴此日清新俊逸早傳警句於吳江異時宏麗喬皇應接元音於漢代

孫次公始有廬詩序

癸卯之春余將鉞駢體三集秀水孫君次公爲余讓序
螢螢細燄藉龍燭而增輝蝶版微聲借鯨鐘而發響余
心殷殷感之未幾君亦以詩集乞序若急欲得余一言
以自信者良以王籍之詞非劉孺不能擊節何遜之作
惟范雲獨肯見推忝屬深交何庸多讓惟君玉骨內涵
金心外朗情濃於酒才艷若花得希逸之風華兼子昇
之逋峭登高作賦自抒丸能比物言愁窮探五際蘭亭
日暝羣賢共泛羽觴桃渡雲迷侍婢曾歌團扇雅人深
致名士風流君之謂矣獨是人情愛古而薄今貴遠而
賤近此間僖父致士衡醬瓿之譏何物田翁招沈彬火
木雜書屋文三集

卷三

三

爐之誚陸喜論撰稱諸葛而後行張率篇章託隱侯而
始重當西施之翫鏡偏棄蛾眉豈伯樂之停車空收馬
骨蒙竊惑焉然而不逢知已且食蛤蜊儻遇賞音定呼
鸞鳳惟余與君五年以來拍肩相愛三日不見刮目驚
看每誦君詩覺秋水爲神春風馭氣名將立陣刁斗一
新奇士游山蹊徑屢換以故逢人說項到處推袁潘岳
讀夏湛之篇大加歎賞陳琳見張紘之著不厭褒揚君
今受知於羅蘿村學使送入詒經精舍肄業蘇威試題
正藏立就王儉隸事何憲獨多非晉公池上之薔薇是
仁傑門中之桃李佇見羣空冀北豈徒秀擅江東邇者
海角暫羈島閭長嘯黃虬吐氣欲蕩神機綠魚揚鬣若

酬妍唱流連乳水戰場又復花開憑弔鄂陽軍壘纔經
火熄幕上之棲鳥未去峰頭之唳鶴猶聞斯時也定當
筆墨橫飛聲情激越狀鱸窟鯨宮之景血浪消紅寫鬣
吐鯨吼之形驚濤涌白遙想擬金擊玉才人必更上一
層自慙亂轍靡旗老夫當退避三舍矣

